

Dagsetning
22. febrúar 2012

Efnahags- og skattanefnd Alþingis
Alþingishúsinu við Austurvöll
150 Reykjavík

Efnahags- og skattanefnd Alþingis hefur óskað eftir umsögn Byggðastofnunar um frumvarp til laga um frávík vegna styrkja úr sjóði er fjármagnar aðstoð við umsóknarríki Evrópusambandsins, mál 376.

Ekki hefur verið fjallað um umsögnina í stjórn stofnunarinnar.

Lagabreyting frumvarpsins er forsenda þess að IPA aðstoð standi Íslandi til boða. Byggðastofnun tekur ekki afstöðu til skattalegra álitaefna sem felast í undanþágum sem lögin veita. Ljóst er að töluverðum fjármunum verður varið til byggðamála í aðstoð sem IPA stuðningur heimilar. Byggðastofnun telur að í IPA aðstoð felist mikilvæg tækifæri á verkefnum á sviði byggðamála og gerir ekki athugasemdir við frumvarpið.

Virðingarfyllt

Guðmundur Guðmundsson
Sérfræðingur á próunarsviði Byggðastofnunar

Nefndarsvið Alþingis
Kristjana Benediktsdóttir
Austurstræti 8-10
150 REYKJAVÍK

Reykjavík, 17. febrúar 2012
2012010019

Efni: Frumvarp til laga um frávík vegna styrkja úr sjóði er fjármagnar aðstoð við umsóknarríki Evrópusambandsins, á 140. löggjafarþingi, þskj. 452 - 376. mál

Frumvarpið var sent Bændasamtökum Íslands til umsagnar með tölvubréfi frá nefndasviði Alþingis, dags. 31. janúar 2012.

Með frumvarpinu er lagt til að ESB-verktakar verði undanþegnir skattskyldu. Aðflutningsgjöld á vörum sem ESB-verktakar flytja inn verða felld niður og ESB-verktakar verða undanþegnir virðisaukaskatti, tekjuskatti, útsvari og staðgreiðslu. Öll hin svokallaða fjárhagsaðstoð Evrópusambandsins við Ísland með stuðningsaðgerðum samkvæmt IPA-kerfinu, verður þannig undanþegin hvers kyns skattskyldu. Þetta frumvarp er lagt fyrir Alþingi samhliða þingsályktunartillögu um staðfestingu rammasamnings um IPA-styrki sem íslensk stjórnvöld undirrituðu þann 8. júlí 2011.

Samkvæmt því sem fram kemur í greinargerð með þessu frumvarpi og því sem fram kemur í framangreindri þingsályktunartillögu (þskj. 449 - 373. mál) er markmið IPA-kerfis Evrópusambandsins að styrkja innviði umsóknarríkja ESB með uppbyggingu stofnana, eflingu milliríkjasamstarfs og styrkingu efnahags- og félagslegrar þróunar sem og byggðapróunar. ESB gerir síðan þá kröfu að þessir styrkir renni alfarið til þessara verkefna en ekki til greiðslu skatta, tolla eða annarra gjalda. Af þessu einu og sér má ráða að IPA-styrkirnir eru beinlínis ætlaðir til þess að aðlagja íslenskan rétt að rétti Evrópusambandsins, til dæmis með uppbyggingu tiltekinna stofnana. Bændasamtökin telja aðlögun íslenskrar stjórnsýslu að stjórnsýslu Evrópusambandsins óásættanlega og leggja þess vegna gegn því að frumvarpið verði samþykkt.

Virðingarfyllt
f.h. Bændasamtaka Íslands

Elías Blöndal Guðjónsson
lögfræðingur



Félag löggiltra
endurskoðenda

Alþingi
Erindi nr. P 140/1006
komudagur 13.2.2012

Reykjavík 13. janúar 2012
Tilvísun FLE 5-2012

Nefndasvið Alþingis
Austurstræti 8-10
150 Reykjavík
b/t Kristjönu Benediktsdóttur

Málefni: Frumvarp til laga um frávík frá lögum um skatta og gjöld vegna styrkja úr sjóði er fjármagnar aðstoð við umsóknarríki Evrópusambandsins, 376. mál.

Með tölvupósti dags. 31. janúar s.l. óskaði Efnahags- og viðskiptanefnd Alþingis eftir umsögn Félags löggiltra endurskoðenda (FLE) um ofangreint málefni. Samkvæmt samþykktum félagsins sendi stjórnin ofangreint erindi til Álitsnefndar og Skattanefndar FLE sem tóku málið til umfjöllunar. Álitsnefndin vill koma eftirfarandi athugasemdum og ábendingum á framfæri:

3. og 4. gr.

Samkvæmt frumvarpinu fær ESB-verktaki aðflutningsgjöld felld niður við innflutning á vörum sem eru keyptar fyrir fjármagn skv. ESB-samningi og eru í beinum tengslum við verkið. Ef ESB-verktakinn kaupir vöruna hér á landi þá er eingöngu virðisauki endurgreiddur eða hann talinn til innskatts. Með þessu myndast ójöfnuður milli innfluttra vara og vara sem keyptar eru af íslenskum aðilum sem nemur aðflutningsgjöldum. Til þess að gera ESB-verktakann eins settan hvort sem hann flytur vöru inn sjálfur eða kaupir hana af íslenskum aðila þá þyrfti hann að eiga rétt á að fá toll, vörugjöld og önnur gjöld eftir atvikum endurgreidd við kaup hér landi.

Hugtökin um að innflutningur sé *í beinum tengslum við* verk samkvæmt ESB-samningi og að kaupin *varði eingöngu verk* sem unnið er samkvæmt samningi eru fremur óskýr. Hugsanlega er erfitt að hafa þau nákvæmari, en þetta veldur væntanlega vafa í einhverjum tilvikum um það hvort greiða skuli skatt af þjónustunni eða ekki. Óskýr hugtök bjóða upp á misræmi í túlkun um það hvaða vörur falli þarna undir sem rétt væri að eyða með upptalningu eða í reglugerð.

Þá vekja ákvæðin upp spurningar um samkeppnisstöðu þeirra aðila sem veita sambærilega þjónustu og ESB-verktakar, þar sem ESB-verktakar selja sína þjónustu án virðisaukaskatts og fá niðurfellingu aðflutningagjalda og endurgreiðslu virðisauka á vörum eða þjónustu sem þeir geta nýtt sér við sölu á þjónustu til aðila sem ekki getur innskattað kaup þjónustu.

Samkvæmt almennum reglum þá ætti væntanlega að útskatta sölu á vörum þar sem innskattur hefur verið nýttur hjá þeim aðilum sem eru virðisaukaskattskyldir. Það er hins vegar ekki tekið á því í frumvarpinu. Til samanburðar má benda á að í blandaðri starfsemi þá telst sala rekstrarfjármuna að fullu til skattskyldrar veltu aðila þótt hann hafi aðeins fengið virðisaukaskatt vegna öflunar þeirra frádreginn sem innskatt að hluta.


5. gr.

ESB-verktakar sem ekki eru heimilisfastir eða hafa fasta starfsstöð hér á landi eru undanþegnir skattskyldu skv. I. kafla Tskl. og greiða hvorki tekjuskatt né útsvar af þeim tekjum sem samningurinn skapar. Að mati nefndarinnar er ekki skýrt hvort verið sé að kveða á um að ESB-verktakar myndi ekki fasta starfsstöð eða öðlist heimilisfesti hér á landi, eða hvort ákvæðið eigi eingöngu við um þá aðila sem dvelja hér skemur en 6 mánuði á hverju 12 mánaða tímabili. Ummæli í frumvarpi virðast þó benda til að ESB-verktakar myndi ekki fasta starfsstöð hér á landi. Það er ljóst að starfsemin mun vara hér oft lengur en í 6 mánuði, sbr. ummæli í frumvarpi um Twinning aðstoð. Þetta ákvæði gildir einnig án tillits til þess hvort aðilarnir greiði tekjuskatt í sínu heimalandi. Það getur því verið hvati að ráða fremur erlenda aðila en innlenda sem ESB-verktaka þar sem erlendi aðilinn þarf ekki að greiða tekjuskatt af sínum tekjum en innlendi aðilinn þarf að gera það.

Ekki verður séð af þessu frumvarpi að fylgt sé þeirri kröfu að IPA styrkir skuli renna óskiptir til verkefnisins, þ.e. undanþegnir öllum sköttum, þar sem innlendum aðilum er sinna verkefni af þessum toga er gert að greiða tolla og vörugjöld (af vörum sem þeir flytja ekki sjálfir inn) og tekjuskatt. Slíkt veikir samkeppnisstöðu innlendra aðila.

Virðingarfyllst,

f.h. Félags löggiltra endurskoðenda



Sigurður B. Arnþórsson

Framkvæmdastjóri FLE

From: Eiríkur Áki Eggertsson
Sent: 1. febrúar 2012 14:12
To: nefnd-efh.- og viðskn.
Cc: Kristjana Benediktsdóttir; Sigrún Helga Sigurjónsdóttir
Subject: Efnahags- og viðskiptanefnd - mál nr. 376 (frávik vegna styrkja úr sjóði er fjármagnar aðstoð við umsóknarríki ESB)

Komið þið sæl,
Í framhaldi af fundi efnahags- og viðskiptanefndar síðast liðinn mánudag og í tengslum við ofangreint mál.
Meðfylgjandi upplýsingar voru að koma úr fjármálaráðuneytinu.
Kv. Eiríkur Áki

From: gudrun.thorleifsdottir@fjr.stjr.is [mailto:gudrun.thorleifsdottir@fjr.stjr.is]
Sent: 1. febrúar 2012 13:25
To: Eiríkur Áki Eggertsson
Subject: Svar við fyrirspurn frá nefndarmanni

Sæll Eiríkur

Á fundi efnahags- og viðskiptanefndar sl. mánudag óskaði einn nefndarmanna eftir því að fjármálaráðuneytið veitti upplýsingar um eftirfarandi:

Hvað vinna margir Íslendingar hjá alþjóðastofnunum (Íslendingar sem vinna í sendiráðum erlendis þar með taldir) og njóta skattfrelsis á þeim grundvelli?

Þær upplýsingar hafa nú fengist frá RSK að samtals eru 131 einstaklingur með skattfrjáls laun á framtali 2011. Um er að ræða einstaklinga sem taka laun frá alþjóðastofnunum, starfsmenn þróunarstofnunar, sendiráðsmenn o.þ.h.

Gætir þú komið þessum upplýsingum á framfæri við nefndarmenn?

Bestu kveðjur



Efnahags- og viðskiptanefnd Alþingis
Austurstræti 8-10
150 Reykjavík

HAFRANNSÓKNASTOFNUNIN

Alþingi
Erindi nr. P 140/1051
komudagur 16.2.2012

Reykjavík, 14.02.2012
Tilv. 90.13
JS/sdk

Málefni: Frumvarp til laga um frávik frá lögum um skatta og gjöld vegna styrkja úr sjóði er fjármagna aðstoð við umsóknarríki Evrópusambandsins. 376. mál, 140. löggjafarþing, 2011-2012

Vísað er í erindi efnahags- og viðskiptanefndar Alþingis dagsett 31. janúar 2012 með beiðni um umsögn Hafrannsóknastofnunarinnar um ofangreint frumvarp til laga.

Engar athugasemdir eru gerðar við framlagt frumvarp.

F.h. Hafrannsóknastofnunarinnar,


Jóhann Sigurjónsson

Heimilisfang:

Skúlagötu 4
Pósthólf 1390
121 Reykjavík

Sími:

575-2000

Póstfax:

575-2001

Heimasíða:

www.hafro.is

Tölvupóstfang:

hafro@hafro.is



Alþingi - efnahags- og viðskiptanefnd
Austurstræti 8-10
150 Reykjavík

Reykjavík, 13. febrúar 2012
Mál nr. 1202005

Efni: Umsögn, IPA styrkir

Efnahags- og viðskiptanefnd Alþingis óskar eftir umsögn um frumvarp til laga um frávík vegna styrkja úr sjóði er fjármagnar aðstoð við umsóknarríki Evrópusambandsins, 376. mál. Frumvarpið felur í sér að ESB verktakar í skilningi 2. gr. þessa lagafrumvarps eru undanþegnir skattskyldu hvað varðar tolla, aðflutningsgjöld, virðisaukaskatt, tekjuskatt, útsvar og stimpilgjöld sem stafar af framkvæmd á ESB samningi. Frumvarpinu er þannig ætlað að lögbinda rammamarkmið milli ríkisstjórnar Íslands og framkvæmdastjórnar Evrópusambandsins um reglur um samstarf er varðar fjárhagsaðstoð ESB við Ísland innan ramma stuðningsaðgerða sjóðs er fjármagnar aðstoð við umsóknarríki ESB (IPA) sem undirritaður var 8. júlí 2011.

Markmið IPA samningsins fela augljóslega í sér að auðvelda á aðlögun íslensks stjórnkerfis að regluverki Evrópusambandsins, en markmiðin eru í 3. gr. rammamarkningsins:

„1. Til að stuðla að samvinnu sín á milli og undirbúa aðstoðarþegann í áföngum fyrir staðla og stefnumið Evrópusambandsins, þ. á m. eftir því sem við á réttarreglur þess, með aðild í huga, eru samningsaðilar sammála um að hrinda í framkvæmd verkefnum á ýmsum sviðum eins og fram kemur í IPA-rammareglugerðinni og IPA-framkvæmdarreglugerðinni og eins og hæfir aðstoðarþeganum.

2. Stuðningsaðgerðir skulu fjármagnaðar og hrint í framkvæmd í samræmi við þá lagalegu, stjórnsýslulegu og tæknilegu umgjörð sem mælt er fyrir um í samningi þessum og nánar er lýst í sviðstengdum samningum og/eða fjármögnunarsamningum, ef um þá er að ræða.

3. Aðstoðarþeginn gerir allar nauðsynlegar ráðstafanir til þess að tryggt sé að framkvæmd allra stuðningsaðgerða sé viðeigandi og til þess að greiða fyrir framgangi áætlana þeim tengdum.“

Það er í hæsta máta óeðlilegt að aðlagga eigi íslenskt stjórnkerfi að Evrópusambandinu, þar sem að Ísland er ekki aðili að sambandinu. Við leggjumst gegn því að þetta lagafrumvarp nái fram að ganga.

Friðrik Friðriksson, hdl.

*Alþingi
Erindi nr. P 140/1062
komudagur 17.2.2012*

Efnahags- og viðskiptanefnd
Nefndasvið Alþingis
Alþingi v/Austurvöll
150 REYKJAVÍK

Garðabær, 13. febrúar 2012
2012020008/
TB
jgo/tb

Frumvarp til laga um frávík vegna styrkja úr sjóði er fjármagnar aðstoð við umsóknarríki Evrópusambandsins, 376. mál.


Vísað er til tölvupósts / bréfs frá efnahags- og viðskiptanefnd Alþingis, dags. 31. janúar sl., þar sem óskað er eftir umsögn Náttúrufræðistofnunar Íslands um frumvarp til laga um frávík vegna styrkja úr sjóði er fjármagnar aðstoð við umsóknarríki Evrópusambandsins, 376. mál.

Náttúrufræðistofnun hefur farið yfir frumvarpið og gerir engar athugasemdir við það.

Virðingarfyllst



Jón Gunnar Ottósson
forstjóri



Trausti Baldursson



Alþingi
Erindi nr. P 140/1800
komudagur 18.4.2012

Alþingi
Efnahags- og viðskiptanefnd
150 REYKJAVÍK



Persónuvernd

Rauðarárstíg 10 105 Reykjavík
sími: 510 9600 bréfasími: 510 9606
netfang: postur@personuvernd.is
veffang: personuvernd.is

Reykjavík, 12. apríl 2012
Tilvísun: 2012010158PS/--

Persónuvernd vísar til tölvubréfs efnahags- og viðskiptanefndar Alþingis frá 31. janúar 2012 þar sem óskað er umsagnar stofnunarinnar um frumvarp til laga um frávík vegna styrkja úr sjóði er fjármagnar aðstoð við umsóknarríki Evrópusambandsins (376. mál á 140. löggjafarþingi, þskj. 452). Ekki eru gerðar athugasemdir við frumvarpið.

Virðingarfyllt

A handwritten signature in black ink, appearing to read 'D. I. S.' with a stylized flourish at the end.

Þórður Sveinsson

Bréf

Alþingi
Erindi nr. P 140/961
komudagur 7.2.2012

Alþingi
efnahags- og viðskiptanefnd
Austurstræti 8
150 REYKJAVÍK

Reykjavík, 6. febrúar 2012
R2012010041


Efni: Umsögn ríkisskattstjóra um frumvarp til laga um frávík frá lögum um skatta og gjöld vegna styrkja úr sjóði er fjármagnar aðstoð við umsóknarríki Evrópusambandsins - 376. mál.

Ríkisskattstjóri hefur þann 31. janúar 2012 móttengið tölvupóst þar sem embættinu er gefinn kostur á að veita umsögn um ofangreint þingmál.

Með frumvarpinu er lagðar til að lögfestar verði tilteknar sérreglur um skatta og gjöld vegna verkefna sem hljóta stuðning úr sjóði sem fjármagnar aðstoð við umsóknarríki Evrópusambandsins, svokallaða IPA styrki. Í frumvarpinu er meðal annars kveðið á um að einstaklingar og lögaðilar sem ekki eru hér á landi heimilisfastir og skattskyldir skv. 1. og 2. gr. tekjuskattslaga skuli undanþegnir tekjuskatti og útsvari af starfi sem unnið er á grundvelli ESB samnings, eins og það hugtak er skilgreint í frumvarpinu. Jafnframt er kveðið á um að framkvæmd verks, sala vöru eða veiting þjónustu skuli vera undanþegin sköttum og opinberum gjöldum.

Ríkisskattstjóri fékk þann 9. nóvember 2011 frumvarpsdrögin til umsagnar og sendi fjármálaráðuneytinu 15. sama mánaðar athugasemdir og breytingatillögur. Í því frumvarpi sem hér er til umsagnar verður ekki betur séð en að tekið hafi verið tillit til þeirra athugasemda sem ríkisskattstjóri kom á framfæri við fjármálaráðuneytið. Af þeim sökum hefur ríkisskattstjóri engar athugasemdir við efni frumvarpsins.

Virðingarfyllt



Alþingi

Erindi nr. P 140/1334

komudagur 1. 3. 2012

SAMBAND ÍSLENSKRA SVEITARFÉLAGA

Alþingi
b.t. nefndarsvið
við Austurvöll
150 REYKJAVÍK

Reykjavík 29. febrúar 2012

1202018SA KB
Málalykill: 401

Efni: Umsögn sambandsins um frumvarp vegna IPA styrkja

376. mál

Á fundi stjórnar Sambands íslenskra sveitarfélaga þ. 24. febrúar 2012 var umsögn sambandsins, dags. 10. febrúar 2012, um frumvarp til laga um frávík vegna styrkja úr sjóði er fjármagnar aðstoð við umsóknarríki Evrópusambandsins, ~~376.~~ mál - þskj. 452., til umfjöllunar.

Nokkur umræða varð um umsögnina og einstaka stjórnarmenn gerðu athugasemdir við orðalag hennar, þar sem sagt er að sambandið telji rétt að líta á aðildarumsóknarferli Íslands að ESB sem lærdómsferli.

Bjarni Harðarson, sem sat fundinn sem varamaður Jórunnar Einarsdóttur, lagði fram eftirfarandi bókun og óskaði eftir því að hún yrði send Alþingi:

„Undirritaður leggst gegn frumvarpi til laga um frávík vegna styrkja úr sjóði er fjármagnar aðstoð við umsóknarríki Evrópusambandsins, skv. þingskjali 452-376. mál

Skattfríðindi Evrópusambandsins innan Íslands vega að jafnræði aðila þar sem innlendir aðilar eru bundnir sköttum en ESB aðilar ekki. IPA styrkjum Evrópusambandsins er fyrst og fremst ætlað að hafa áhrif á afstöðu Íslendinga til ESB aðildar, jafnt almennings og þeirra sem vinna innan stjórnsýslunnar.

Undirritaður getur ekki tekið undir umsögn Sambands íslenskra sveitarfélaga að svokallað aðildarferli að ESB sé lærdómsferli enda orkar tvímælis að æskilegar fyrirmyndir Íslands sé að finna innan stjórnsýslu ESB.“

Framangreint tilkynnist hér með.

Virðingarfyllt

SAMBAND ÍSLENSKRA SVEITARFÉLAGA

Karl Björnsson
framkvæmdastjóri



Alþingi
Erindi nr. P 140/1000
komudagur 13.2.2012

SAMBAND ÍSLENSKRA SVEITARFÉLAGA

Alþingi
b.t. nefndasviðs
Austurstræti 8-10
150 REYKJAVÍK

Reykjavík 10. febrúar

1202018SA AGB
Málalykill: 401


Efni: Umsögn um frumvarp til laga um frávík vegna styrkja úr sjóði er fjármagnar aðstoð við umsóknarríki Evrópusambandsins, sbr. þingskjal 452 – 376. mál, 140. löggjafarþing 2011-2012, og tölvubréf nefndasviðs frá 31. janúar sl.

Í athugasemdum við lagafrumvarpið kemur fram að samþykkt þess er forsenda þess að svokölluð IPA aðstoð ESB standi Íslandi til boða vegna aðildarumsóknar þess. Frumvarpinu er ætlað að tryggja samræmi við þær reglur ESB að IPA styrkir eigi ekki að renna til greiðslu skatta og gjalda hjá umsóknarríkjum sem styrkir eru veittir til. Fyrir liggur að hluti IPA aðstoðarinnar mun verða veittur til byggðaverkefna innan ramma félagsmálasjóðs (ESF) og byggðapróunarsjóðs (ERDF) ESB, gegn greiðslu mótfamlaga.

Samband Íslenskra sveitarfélaga hefur talið rétt að líta á aðildarferlið sem eins konar lærdómsferli, sérstaklega hvað varðar byggðamál þar sem ljóst er að Íslendingar geta lært ýmislegt af þeirri aðferðarfræði sem þróuð hefur verið hjá ESB á því sviði. Sambandið telur því rétt að sveitarfélög, sem hafa áhuga á að taka þátt í IPA verkefnum á sviði byggðamálum, fái tækifæri til þess og gerir ekki athugasemdir við frumvarpið.

Virðingarfyllt

SAMBAND ÍSLENSKRA SVEITARFÉLAGA


Karl Björnsson
framkvæmdastjóri

- **Uppbygging á NATURA 2000 samstarfsneti á Íslandi og innleiðing vistgerða- og fuglatilskipana ESB**
Viðtakandi aðstoðar: Náttúrufræðistofnun og Landmælingar
Markmið verkefnisins er að styrkja getu Íslands til að greina og flokka dýra- og fuglategundir sem og vistgerðir sem vernda þarf í samræmi við tilskipanir Evrópusambandsins. Keyptur verður tækjabúnaður að verðmæti 850.000 € að undangengnu útboði sem framkvæmdastjórn ESB heldur utan um. Jafnframt verður beinn styrkur veittur að upphæð 2.835.000 € til framkvæmdar verkefnisins, sem verður varið til ráðningar tímabundins starfsfólks og verktaka.
Heildarstyrkur: 3.685.000 €
- **Hagtölur í samræmi við reglugerðir 2223/1996 og 479/2009 um þjóðhagsreikninga**
Viðtakandi aðstoðar: Hagstofa Íslands
Markmið verkefnisins er að efla hagtölugerð á sviði þjóðhagsreikninga til að unnt sé að bæta stefnumótun á sviði efnahags- og peningamála. Veittur er 825.000 € beinn styrkur til Hagstofunnar til að framkvæma verkefnið í samstarfi við hagstofur annarra Evrópuríkja og EUROSTAT, hagstofu Evrópusambandsins. Hagstofan mun ráða nýtt starfsfólk tímabundið til að sinna verkefninu.
Heildarstyrkur: 825.000 €
- **Uppbygging á rannsóknastofum og gæðakerfi vegna matvælaeftirlits**
Viðtakandi aðstoðar: Óákveðið
Markmið verkefnisins er að bæta hæfni og getu Íslands til að uppfylla evrópska löggjöf á sviði matvælaöryggis. Framkvæmdastjórn ESB mun standa fyrir útboði til kaupa á tækjum og búnaði til að framkvæma nauðsynlegar rannsóknir og prófanir. Auglýst verður eftir sérfræðingum til að veita þjálfun í notkun tækjanna og framkvæmd ofangreindra rannsókna (twinning). Enginn beinn fjárstuðningur er veittur.
Heildarstyrkur: 1.900.000 €
- **Þýðingar á ESB gerðum, þjálfun túlka og stuðningur við uppbyggingu á innviðum fyrir túlkanám við Háskóla Íslands**
Viðtakandi aðstoðar: Utanríkisráðuneytið og Háskóli Íslands
Markmið verkefnisins er annars vegar að halda áfram þýðingum á löggjöf Evrópusambandsins og hins vegar að kaupa tæki og búnað sem er nauðsynlegur til að hefja túlkanám við Háskóla Íslands. Veittur er beinn styrkur að upphæð 1.414.000 € til þýðingavinnunnar og auglýst verður eftir tilboðum í uppsetningu túlkaklefa og búnaðar til þjálfunar í ráðstefnutúlkun við HÍ að upphæð 86.000 €.
Heildarstyrkur: 1.500.000 €
- **Jarðvangur - þróunaráætlun fyrir Eyjafjallajökulssvæðið**
Viðtakandi aðstoðar: Háskólafélag Suðurlands
Markmið verkefnisins er að þróa áætlun til eflingar atvinnu- og byggðapróunar á Eyjafjallajökulssvæðinu. Sérstaklega er horft til þess að nýta einstaka jarðsögu svæðisins til eflingar ferðaþjónustu á heilsársgrunni. Átak verður gert í fræðslu og kynningarmálum sem og stefnumótun og upplýsingagjöf fyrir svæðið í heild. Veittur er beinn styrkur að upphæð 560 þús. € en verkefninu er m.a. ætlað að veita innsýn í og styrkja þekkingu á regluverki Byggðapróunarsjóðs Evrópusambandsins (ERDF).
Heildarstyrkur: 560.000 €

- Menntun fyrir fleiri og betri störf. Víðtækar aðgerðir til að efla menntunarstig og atvinnu**
 Viðtakandi aðstoðar: Fræðslumiðstöð atvinnulífsins
 Markmið verkefnisins er að efla fullorðinsfræðslu fyrir fólk með litla eða enga formlega menntun og auka þar með möguleika þess á vinnumarkaði. Veittur er beinn styrkur m.a. til stefnumótunar, þarfagreininga og þróunar aðferða og tóla við vottun á þekkingu og hæfni starfsmanna. Fræðslumiðstöðin ræður íslenska sérfræðinga til verkefnisins, sem er m.a. ætlað að veita innsýn í og styrkja þekkingu á regluverki Félagsmálasjóðs Evrópusambandsins (ESF).
 Heildarstyrkur: 1.875.000 €
- Tæknilegur stuðningur við NIPAC skrifstofuna og óráðstafað fé.**
 Viðtakandi aðstoðar: Utanríkisráðuneytið
 Evrópusambandið veitir enga beina styrki til reksturs NIPAC skrifstofunnar í utanríkisráðuneytinu en gert er ráð fyrir að hægt verði að bjóða út ýmsa þjónustu sem tengist utanumhaldi með IPA styrkjunum hér á landi. Meðal verkefna sem skilgreind hafa verið eru kaup á aðstoð við umsækjendur, fýsileikakannanir, eftirlit með framvindu verkefna, ráðgjöf varðandi stefnumótun, upplýsingagjöf o.fl. Hluti þessa fjár er ætlaður til að styðja einstaka landshluta í tengslum við möguleg verkefni.
 Heildarstyrkur: 1.655.000 €

Alþingi
Erindi nr. P 149/981
komudagur 10. 2. 2012



Nefndasvið Alþingis
Kristjana Benediktsdóttir
Austurstræti 8 - 10
150 REYKJAVÍK

Reykjavík, 6. febrúar 2012

Tilvísun: 2012010091

HrH/BH

Tilv. ykkar: Tölvupóstu dags. 31.01.2012.

Efni: Umsögn um 376. mál frumvarp til laga um frávík vegna styrkja úr sjóði er fjármagnar aðtoð við umsóknarríki ESB.

Með tölvupósti dags. 31.01.2012 er óskað eftir umsögn Vegagerðarinnar um ofangreint frumvarp. Vegagerðin gerir ekki athugasemdir við frumvarpið.

Virðingarfyllst,

Hreinn Haraldsson, vegamálastjóri

Alþingi
Nefndasvið, velferðarnefnd
Kirkjustræti
150 Reykjavík

Reykjavík, 23. maí 2012

Tilvísun þí: 2012051172/5.13

Efni: Umsögn um frumvarp til laga um réttarstöðu einstaklinga með kynáttunarfanda, 736. mál – þingskjal 1174.

Þjóðskrá Íslands vísar til erindis velferðarnefndar Alþingis þar sem frumvarp til laga um réttarstöðu einstaklinga með kynáttunarfanda, 736. mál – þingskjal 1174 er sent til umsagnar. Þjóðskrá Íslands telur nauðsynlegt að gera nokkrar athugasemdir við efni frumvarpsins, einkum að því er lýtur að stjórnsýslu og meðferð umsókna um kynbreytingu í Þjóðskrá en á undanförunum mánuðum hafa allir vinnuferlar verið endurskoðaðir og miklar breytingar gerðar á innra skipulagi stofnunarinnar.

Athugasemdir við 6. gr. frumvarpsins

Í 6. gr. frumvarpsins er fjallað um verkefni sérfræðinefndar um kynáttunarfanda. Þar kemur fram að sá sem hlotið hefur greiningu og viðurkennda meðferð hjá teymi Landspítala um kynáttunarfanda geti óskað staðfestingar hjá sérfræðinefnd um kynáttunarfanda um að hann tilheyri gagnstæðu kyni. Uppfylli umsækjandi tilgreind skilyrði staðfestir sérfræðinefndin að hann tilheyri gagnstæðu kyni.

Fram kemur í ákvæðinu að sérfræðinefndin skuli tilkynna umsækjanda niðurstöður ákvörðunar sinnar en jafnframt skuli hún tilkynna Þjóðskrá Íslands að kyn umsækjanda hafi verið leiðrétt.

Í greinargröð með frumvarpinu er lýst því verklagi sem hefur verið viðhafið við breytingu á skráningu kyns í Þjóðskrá. Þjóðskrá Íslands hefur eins og fyrr sagði endurskoðað innri ferla í starfsemi sinni, þar með talið ferla um skráningu kyns í Þjóðskrá. Þjóðskrá Íslands telur að í frumvarpinu sem hér liggur fyrir felst tækifæri til að selja framsýna löggjöf í takt við breytingar á verklagi í stjórnsýsluframkvæmd stofnunarinnar. Þannig háttar nú til að meðferð tilkynninga um breytt kyn sker sig nokkuð frá öðrum tilkynningum eða beiðnum um breytta skráningu. Meginmunurinn felst í því að frumkvæði að breyttri skráningu kemur frá landlækni, þ.e. þriðja aðila, en ekki frá einstaklingnum sjálfum sem óskar eftir breyttri skráningu. Viðast hvar í íslenskri stjórnsýsluframkvæmd er gert ráð fyrir því að sá sem einhvers æskir, hafi sjálfur frumkvæði að þeirri breytingu sem óskað er eftir. Í starfsemi Þjóðskrár Íslands á það t.d. við um nafnbreytingar, breytingar á lögheimili o.fl. Beiðni um breytta skráningu á þannig uppruna sinn hjá þeim sem breyting varðar. Þetta sjónarmið kemur hins vegar ekki fram í frumvarpinu og telur Þjóðskrá Íslands því rétt að endurskoða það.



Lagt er til að umsækjanda um kynleiðréttingu verði sjálfum falið að senda Þjóðskrá Íslands erindi um beiðni um breytta skráningu kyns í Þjóðskrá og samhliða yrði sótt um nafnbreytingu. Í kjölfarið yrðu báðar beiðnirnar unnar samhliða hjá Þjóðskrá Íslands eins og gert er ráð fyrir í 2. mgr. 6. gr. frumvarpsins. Beiðninni myndi fylgja staðfesting sérfræðinefndarinnar. Fins og fyrr segir hefur Þjóðskrá Íslands hug á að breyta gildandi verklagi enda felur það í sér ákveðið risk fyrir þann er óskar kynleiðréttingar. Nokkur misbrestur er á að beiðni um nafnbreytingu og kynleiðréttingu berist á sama tíma en þó er skráningin þess eðlis að nauðsynlegt er að breyta kyni og nafni í Þjóðskrá samtímis. Berist bréf landlæknis t.d. á undan beiðni um nafnbreytingu er sá háttur hafður á að hall er samband við þann sem kynleiðrétting varðar og viðkomandi bent á að skila inn nafnbreytingu og virðist raunar gert ráð fyrir því verklagi í 1. mgr. 8. gr. frumvarpsins. Hitt getur svo einnig gerst að beiðni um nafnbreytingu berist á undan þá fer sú beiðni í bið þangað til bréfið berst frá landlækni. Hvort tveggja getur hall í för með sér viss óþægindi og óþarfa umstang fyrir þann er óskar kynleiðréttingar. Hægðarleikur væri að Þjóðskrá Íslands útbúi eyðublað sem umsækjandi gæti nálgast og sent inn til vinnslu. Á eyðublaðinu mætti gera ráð fyrir staðfestingu sérfræðinganefndarinnar en ennþá einfaldara væri að umsækjanda yrði einfaldlega gert skylt að framvísa afriti af staðfestingu sérfræðinganefndarinnar skv. 3. mgr. 6. gr. frumvarpsins hjá Þjóðskrá Íslands um leið og umsókn um breytta skráningu kyns og breytt nafn er afhent Þjóðskrá Íslands. Þetta myndi einfalda til muna verklagið við vinnslu þessara mála og fækka viðkomustöðum fyrir umsækjanda. Einnig má geta þess að með þessu móti er það lagt í hendur umsækjanda að ákveða á hvaða tímapunkti hann æskir þess að fá kynleiðréttingu skráða í Þjóðskrá enda er um að ræða mikilvæga ákvörðun fyrir einstakling og eðlilegt að hann ráði ferðinni um hraða breytinganna.

Með hliðsjón af framangreindu er lagt til að seinni málsl. 4. mgr. 6. gr. verði felldur brott þar sem hann er óþarfur ef fallist verður á ofangreindar röksemdir.

Athugasemdir við 8. gr. frumvarpsins.

Í 8. gr. frumvarpsins er fjallað um kynleiðréttingar og nafnbreytingar í Þjóðskrá. Þar er í 1. mgr. gert ráð fyrir að Þjóðskrá Íslands upplýsi umsækjanda um skyldu til nafnbreytingar. Ef fallist verður á þær athugasemdir sem gerðar eru við 6. gr. hér að ofan er þessi málsgrein óþörf enda kæmi þá beiðni um nafnbreytingu og kynleiðréttingu samtímis til vinnslu hjá Þjóðskrá Íslands, enda gert ráð fyrir að hvorug breytingin nái fram að ganga í Þjóðskrá nema umsókn um hina breytinguna liggi fyrir.

Það því lagt til að 1. mgr. 8. gr. frumvarpsins verði felld niður og í staðinn komi ný málsgrein, svohljóðandi:

„Sá sem óskar eftir kynleiðréttingu í Þjóðskrá skal sækja um það til Þjóðskrár Íslands á þar til gerðu eyðublaði sem stofnunin lætur í té. Umsókn skal fylgja staðfesting sérfræðinefndar um kynáttunarfunda skv. 3. mgr. 6. gr. og umsókn um nafnbreytingu í Þjóðskrá.“



Í 3. mgr. 8. gr. frumvarpsins segir að við leiðréttingu á kyni og nafnbreytingu í þjóðskrá sé heimilt að úthluta umsækjanda nýrri kennitölu hjá Þjóðskrá Íslands.

Þjóðskrá Íslands telur sér rétt og skylt að fjalla nokkuð ítarlega um þetta ákvæði þar sem með þessu er verið að leggja til lögfasta sértæk ákvæði um meðferð og meðhöndlun kennitölunnar.

Í fyrsta lagi er rétt að vekja athygli á að hér á landi er ekki til staðar nein löggjöf um kennitölur. Nú stendur yfir endurskoðun á lögum um þjóðskrá og almannaskráningu og fleiri lögum og er eitt markmið endurskoðunarinnar að lögfasta ákvæði um kennitölur og setja reglur og viðmið um útgáfu kennitölu, meðhöndlun hennar og miðlun og síðast en ekki síst um breytingar á henni. Eins og velþekkt er þá var kennitalan í upphafi hugsuð sem einkvæmt auðkenni borgarans í samskiptum hans við hið opinbera. Á síðustu árum hefur útbreiðsla kennitölunnar og notkun hennar stóraukist og nú er svo komið að kennitalan er talin sjálfsögð upplýsing um auðkenni manns, nánast sjálfsagðari í miðlun en nafn manns enda er oft tekið dæmi um að maður geti ekki leigt sér myndband, keypt strætókort eða skilað vöru í verslun án þess að gefa upp kennitölu.

Á Íslandi byggist kennitalan upp á fæðingardegi og ári sem eru 6 fyrstu tölustafirnir en síðustu 4 tölustafirnir eru hlutlaus auðkenni að öðru leyti en því að síðasti tölustafurinn táknar þá öld er viðkomandi er fæddur. Hérlandis er ekki að finna neina vísun til kyns þess sem ber kennitöluna. Annar háttur er halður á hjá hinum Norðurlöndunum en þar má lesa kyn aðila út úr kennitölunni. Þetta atriði telur Þjóðskrá Íslands að skipti höfuðmáli þegar litið er til þess hvort heimila skuli breytingar eða úthlutun á nýrri kennitölu.

Í öðru lagi þá hafa einstaklingar í hinum Norðurlöndunum fleiri auðkenni í samskiptum sínum við stjórnvöld. Í einhverjum tilvikum er fólk með sérstaka skattakennitölu en í öðrum tilvikum er hver einasti einstaklingur með sérstakt einkvæmt auðkenni í þjóðskrá auk þess að hafa kennitölu. Umrætt auðkenni er óbreytanlegt og er ekki endilega þekkt af öðrum en umræddum einstaklingi og þjóðskrá viðkomandi ríkis. Það þýðir t.d. að þótt kennitölunni yrði breytt þá myndi hið einkvæma auðkenni ekki breytast og þar með myndu engar upplýsingar eða réttindi um einstaklinginn glatast þótt kennitölu hans yrði breytt. Ef einstaklingur fær úthlutað nýrri kennitölu hérlandis þá er það svo í raun að hann á það á hættu að glata ýmsum réttindum sem tengd eru við fyrri kennitöluna. Ný kennitala yrði þá til í þjóðskrá en gamla kennitalan myndi færaast yfir í s.k. Hórfinnaskrá og verður þannig óvirk. Í framkvæmd þýðir þetta að hafi aðili sem fær nýja kennitölu t.d. safnað sér einhver konar lífiðindum eða réttindum hjá tryggingafélagi þá mun tryggingafélagið ekki getað fundið tengsl nýju og gömlu kennitölunnar. Að sama skapi myndu lífeyrissjóðir ekki getað fundið umrædd tengsl þannig að þá þyrfti lífeyrisþegi væntanlega að framvísa einhver konar skýringum hjá lífeyrissjóði þegar að útgreiðslu eða útríkingi lífeyrisréttinda kemur. Að auki má bæta við að myndi umræddur aðili af einhverjum orsökum þurfa á að halda einkunnum sínum úr framhaldsskóla eða háskóla þá gæti hann hvorki nálgast þær upplýsingar með því að gefa upp gömlu kennitöluna sína því



hún myndi ekki finnast á skrá en heldur nýja kennitalan myndi heldur ekki skila leitarniðurstöðum nema frá þeim tímapunkti er henni var úthlutað. Þetta gerist svona vegna þess að einungis örfáir opinberir aðilar hafa aðgang að breytingaskrá þjóðskrá eins og lýst verður hér á eftir.

Í 2. málsl. 3. mgr. 8. gr. frumvarpsins segir að óski einstaklingur nýrrar kennitölu skuli fyrri kennitala vera aðgengileg þeim stjórnvöldum og öðrum aðilum sem starfs síns vegna þurfa að vita um tengsl nýju og eldri kennitölunnar. Í athugasemdum við 8. gr. frumvarpsins segir sérstaklega um þetta atriði að tengslin á milli gömlu og nýju kennitölunnar þurfi að vera aðgengileg stjórnvöldum og öðrum aðilum og er vísað til skattayfirvalda, sakaskrár, Fængelsismálfstofnunar o.þ.Í framkvæmd er það svo að umrædd tengsl sjást í breytingaskrá þjóðskrá. Í kjölfarið er fjallað nokkuð um miðlun þjóðskrár og eru ekki gerðar athugasemdir við það sem þar kemur fram. Það sem hins vegar kemur ekki fram er t.d. að breytingaskrá þjóðskrár er aðeins miðlað til örfárra opinberra aðila, t.d. lögreglunnar, Tryggingastofnunar og Sjúkratrygginga Íslands. Þjóðskrá Íslands telur sér samkvæmt lögum um persónuvernd og meðferð persónuupplýsingar nr. 77/2000 óheimilt að miðla breytingaskrá til einkafyrirtækja enda inniheldur breytingaskrá þjóðskrár viðkvæmar persónuupplýsingar í skilningi laganna.

Í þessu sambandi má cinnig velta fyrir sér hvort Þjóðskrá Íslands geti borið sérstaka ábyrgð á því að miðla upplýsingum um nýja kennitölu til opinberra aðila. Myndi Þjóðskrá Íslands t.d. bera að tilkynna sakaskrá eða fængelsismálfyrvöldum um nýja kennitölu aðila? Hvað ef umsækjandi er á sakaskrá eða skilorði? Myndi stofnunin bera ábyrgð á því að tilkynna opinberum aðilum beint um breytta kennitölu og þá hvaða aðilum? Eða er það umræddra aðila sjálfra að tryggja að þeir í fyrsta lagi hafi aðgang að breytingaskrá þjóðskrá og í öðru lagi að þeir kanni breytingasögu einstaklinga í hvert og eitt skipti sem einstaklingur er til meðferðar hjá þeim? Í athugasemdum við 8. gr. frumvarpsins segir að áður fyrr hafi Þjóðskrá afhent árlega mörgum stórnotendum þjóðskrár allar kennitölubreytingar sem unnar voru í skrána. Þarna er lýst verklagi sem er löngu aflagt enda flestir miðlarar með sívinnsluáðgang þannig að þjóðskrá er miðlað jafnóðum. Þjóðskrá Íslands hefur ekki áform um að taka aflur upp einhvers konar afhendingu á kennitölubreytingum til stórnotenda eða eins og segir í frumvarpinu „sem starfs síns vegna þurfa að vita um tengsl nýju og eldri kennitölunnar“ enda afar óljóst hvernig ætti að meta þörf slíkra aðila fyrir upplýsingarnar og ólíklegt að slíkt mat yrði talið samrýmast skyldum og hlutverki stofnunarinnar.

Til glöggvunar er rétt að fjalla stuttlega um miðlun persónuupplýsinga og breytingaskrá þjóðskrár. Þjóðskrá Íslands annast almannaskráningu hér á landi skv. 1. gr. laga um þjóðskrá og almannaskráningu nr. 54/1962. Miðlun á þjóðskrá byggir á heimildum sömu laga og byggir hún á samningum miðlara/dreifingaraðila við Þjóðskrá Íslands annars vegar og viðkomandi viðskiptavin hins vegar. Það byggir á samningum viðskiptavinar hversu ör uppfærsla á upplýsingum í þjóðskrá er. Mun algengara er nú en áður að viðskiptavinir upplæri þjóðskrárupplýsingar á hverjum sólarhring. Sem betur fer fækkar þeim viðskiptavinum sem uppfæra þjóðskrána sjaldnar enda er lítið upplýsingagildi í gömlum upplýsingum. Stórnotendur þjóðskrár



uppfæra skrána ört og þannig skila allar breytingar á grunnupplýsingum úr Þjóðskrá sér fljótt og vel til viðskiptavina. Aðgangur að breytingaskrá Þjóðskrá er mjög takmarkaður þar sem að hluta er um að ræða viðkvæmar persónuupplýsingar. Sá galli er á miðlun Þjóðskrár að vegna tæknilegra annmarka er ekki hægt að sía upplýsingar úr breytingaskrá til miðlunar heldur er aðeins hægt að miðla öllum upplýsingunum eða engum.

Réttilega segir í athugasemdum við 8. gr. frumvarpsins að kennitölubreytingar geti stafað af ýmsum orsökum svo sem röngum fæðingardegi eða misskráningu. Tilvikum misskráningar fækkar óðum enda er við úthlutun kennitalna fylgt ítarlegum verklagsreglum hjá stofnuninni. Þau tilvik sem lúta að röngum fæðingardegi hafa t.d. komið upp í tengslum við að einstaklingur hafi framvísað fölsuðum skilríkjum við upphaflega skráningu hérlandis. Leiðrétting kennitölu eða útgáfa nýrrar kennitölu fer því aðeins fram að nýrri og áreiðanlegri gögn liggi fyrir að mati stofnunarinnar.

Þjóðskrá Íslands telur það ekki þróun í rétta átt að heimila breytingar á cinkvæmu auðkenni borgaranna þegar það er ekki nauðsynlegt vegna rangra gagna við upprunalega skráningu eða vegna mistaka. Með því er átt við að kennitalan hér á landi er ekki kyngreinanleg og við úthlutun nýrrar kennitölu í þeim tilvikum sem hér um ræðir myndu einungis 3 tölustafir af 10 breytast enda er ekki gert ráð fyrir að einstaklingur fái nýjan fæðingardag eða fæðingarár við úthlutun nýrrar kennitölu vegna kynleiðréttingar.

Að lokum veltir stofnunin því fyrir sér hvort með orðalaginu: „er heimilt að úthluta umsækjanda nýrri kennitölu hjá Þjóðskrá Íslands“ sé átt við að Þjóðskrá Íslands beri að taka ákvörðun um rétt einstaklings til að fá úthlutað nýrri kennitölu. Við lestur ákvæðisins telur Þjóðskrá Íslands mega ráða að stofnuninni sé ekki heimilt að hafna ósk einstaklings um að fá úthlutað nýrri kennitölu enda segir í næsta málslíð ákvæðisins að kennitalan skuli verða aðgengileg stjórnvöldum og öðrum aðilum óski umsækjandi eflir nýrri kennitölu. Það vekur því upp spurningar að í athugasemdum við 8. gr. frumvarpsins sé sérstaklega tekið fram að ákvarðanir Þjóðskrár Íslands skv. 8. gr. frumvarpsins séu kæranlegar til innanríkisráðuneytisins sem æðra stjórnvalds. Þetta orðalag gefur til kynna að Þjóðskrá Íslands geti hafnað umsækjanda að fá úthlutað nýrri kennitölu ólíkt því sem ákvæðið hljóðar um. Hins vegar liggur fyrir að Þjóðskrár Íslands er opinber stofnun og þar með eru allar ákvarðanir hennar kæranlegar til æðra stjórnvalds, innanríkisráðuneytisins í samræmi við meginreglur stjórnsýslulaga nr. 37/1993.

Með vísan til þess sem segir að ofan leggur Þjóðskrá Íslands til að umrætt ákvæði verði endurskoðað með hliðsjón af framansögðu. Úthlutun nýrrar kennitölu er mögulegur kostur tæknilega séð en aðeins með þeim annmörkum sem eru á miðlun Þjóðskrár eins og að framan er lýst. Reglulega berast stofnuninni fyrirspurnir frá aðilum varðandi kennitölur sem ekki finnast í viðskiptamannaskrá og í flestum tilvikum er skýringin sú að kennitölu einstaklings hafði verið breytt og sú breyting ekki skilað sér. Það verður því að draga mjög í efa að ávinningurinn og hagræðið sé



Það mikið að réttlæti að heimila breytingar á þessu mikilvæga cinkvæma auðkenni borgarans.


Enn fremur vill Þjóðskrá Íslands vekja athygli á að ekki er rétt farið með lýsingu á verklagi varðandi breytingar á fæðingarskýrslum í umfjöllun þar um í athugasemdum við 8. gr. frumvarpsins. Þar segir að fæðingarskýrsla einstaklings með kynáttunarfanda beri með sér kynleiðréttingu og nafnbreytingu í neðanmálsgrein. Telja verður að þetta orðalag geti valdið nokkrum misskilningi en verklagið var áður lýrt á þann veg að kæmu til breytingar á kyni, nafni, feðrun eða væri einstaklingur ættleiddur, þá voru upplýsingar um þessi atriði færð inn á fæðingarskýrslur viðkomandi einstaklinga sem varðveittar voru hjá stofnuninni. Nú berast fæðingarskýrslur ekki lengur á pappírformi en upplýsingarnar sem að framan greinir eru vissulega skráðar í gagnasafn þjóðskrár. Skýrslurnar sjálfar eru því að sjálfsögðu ekki lengur áritaðar með viðbótarupplýsingum. Þegar gefin eru út fæðingarvottorð fyrir einstaklinga sem hafa leiðrétt kyn sitt í þjóðskrá þá koma upplýsingar um fyrra nafn og fyrra kyn í neðanmálsgrein á fæðingarvottorðinu en stofnunin telur sér ekki heimilt að breyta upprunaupplýsingum á fæðingarskýrslu.

Athugasemdir við 9. gr. frumvarpsins

Ekki eru gerðar athugasemdir við efni 9. gr. frumvarpsins enda er þar lýst gildandi framkvæmd hjá stofnuninni. Á hverjum degi berast gögn um skráningu af ýmsu tagi og metur Þjóðskrá Íslands gildi þessara gagna sem og annarra gagna sem lögð er fram meðal annars með tilliti til hvort þau séu gefin út af þar til bærum stjórnvöldum.

Þjóðskrá Íslands vill að lokum lýsa yfir stuðningi sínum við þetta frumvarp og fagnar því hve ítarlega komið er á móts við stjórnsýsluframkvæmdina með þeim hætti sem gert er í frumvarpinu.

F.h. Þjóðskrár Íslands


Ástríður Jóhannesdóttir
Lögfræðingur